

Potrebno je raditi na poboljšanju životnih uslova Roma

Povodom Svjetskog dana Roma, koji se obilježava 8. aprila, čestitke romskoj zajednici u našoj državi uputili su Denis Zvizdić i Ombudsmeni BiH

Povodom Svjetskog dana Roma, zamjenik predsjedavajućeg Predstavničkog doma PSBiH Denis Zvizdić čestitao je praznik svim Romima u BiH.

“Sa željom da budemo društvo koje će osigurati jednake mogućnosti za sve građane, zajedno moramo još više raditi na poboljšanju životnih uslova svih Roma, a posebno djece i mladih ljudi. Sa željom da budemo istinsko društvo bez diskriminacije bilo koga, čestitam vam Svjetski dan Roma”, stoji u čestitki.

Ombudsmeni BiH Jasminka Džumhur, Nives Jukić i Nevenko Vranješ su uz čestitke ukazali da je i dalje neophodno aktivno i sistemski djelovati kako bi osobe romske nacionalnosti pod jednakim uslovima, bez diskriminacije, uživale ljudska prava garantirana međunarodnim standardima.



“Tako je u posljednjih nekoliko godina u BiH napravljen određeni napredak u cilju poboljšanja položaja romske populacije, i dalje se suočavaju sa brojnim preprekama u pristupu svojim pravima i trajnim rješenjima, što je posljedica dugogodišnje marginalizovanosti i isključenosti iz društvenog života”, poručili su i naglasili da očekuju da će preporuke date u specijalnim izvještajima ove institucije biti korištene s ciljem potrebnih i novih mjera nadležnih organa.